



Interno dell'oratorio dei SS. Nazario e Celso

a S.Maria e a-i SS.Nazâ e Cêlso, arichîa da bèlli quaddri de inportanti pitoî comme o Benardo Castello (*Bernardo Castello, 1557 – 1629*) e o Peo Fransesco Sacchi (*Pietro Francesco Sacchi, 1485 – 1528*), st'ùrtimo autô de 'na



Villa Lomellini

grandioza Depoxiçion de Nòstro Segnô; a dimostraçion do streito ligamme che i Lömelin avéivan co-o teritôio, in sciô canpanin da gexa gh'è pituòu o sò stemma de famiglia. Afidâ a parochiale a-a Congregaçion di Paddri Carmelitén, l'ötôio, senpre graçie a-i Lomelin, o vegne consegnòu a-a Confratèrnita che ancon òua a-o gestisce. Into Seiçento, tanta l'ea a vivacità e a fede da comunità de Mortiù, che a Confratèrnita a l'â dæto l'incarego a-o Làzou Tavarón (*Lazzaro Tavarone, 1556 – 1640*) de pituâ e miage intèrne de l'ötôio con scene da vitta di doî santi e, in sciô fondo, 'n Ùrtima Çenn-a, dove o Giudda o vegne raprezentòu co-ina cadenn-a a-o pê, tegnûa da 'n diâo ghi-gnante. 'Na pitûa scimile, ma sènsa a prezensa do diâo, o Tavaron o l'â fæta pe l'uspiâ de Pamaton, e òua a se treuva inta navata drita do dômmo de San Loenso, dove gh'è i confescionali. Tutto l'ötôio e-e seu òpere òua son in faze de restàoro graçie a-o fôrte inpègno da Sovrintendensa, da Curia, de varie fondaçoin e, no ùrtimo, da Confratèrnita. L'è za finio o restàoro do sofito do Tavaron e de l'âbside, pituòu da-o Gioâne Agostin Ratti (*Giovanni Agostino Ratti, 1699 – 1755*).

In gio a 'ste realtæ l'è cresciuo o pàize de Mortiù, formòu da pescoèi e vilen.

Tutto o teritôio o l'ea di Lömelin e, tra e inportanti tracce lasciae, se deve regordâ a spléndida sò villa, pôi Rostan, costròia into Çinqueçento e a l'intèrno tutta pituâ da-o Bernardo Castélllo, comme caza de vilezatûa pe-a famiglia. Into Sèteçento a diventa a rexidensa preferia do Agostin Lomelin (*Agostino Lomellini, 1709 – 1791*), duxe da Repùblica Zenéize, anbasciatò e leteròu, ch'o l'â dæto l'incàrego a l'architetto Manoælo Drîa Tagiafighe (*Emanuele Andrea Tagliafichi, 1729 – 1811*) de creâ in spléndido